



FONDACIJA
ZA IZDAVAŠTVO
SARAJEVO

Broj: 04-3-57/2021
Sarajevo, 30. 4. 2021. godine

Na osnovu člana 31. stav 1. Pravilnika o procedurama i kriterijima za izbor korisnika i dodjelu sredstava Fondacije za izdavaštvo broj: 04-1-16/2021 i Odluke o raspisivanju Konkursa za izbor korisnika sredstava Fondacije za izdavaštvo za 2021. godinu, broj: 04-3-55/2021 od 26. 4. 2021. godine, te u skladu sa Odlukom o usvajanju Programa utroška sredstava sa kriterijima raspodjele sredstava sa pozicije "Tekući transferi drugim nivoima vlasti i fondovima - Transfer za fond za izdavaštvo" utvrđenih Budžetom Federacije Bosne i Hercegovine za 2021. godinu Federalnom ministarstvu kulture i sporta - Federalnom ministarstvu kulture i športa V broj: 449/2021 od 18. 3. 2021. godine („Službene novine Federacije BiH“, broj 23/21), Upravni odbor Fondacije za izdavaštvo, raspisuje

KONKURS/NATJEČAJ
za izbor korisnika sredstava Fondacije za izdavaštvo za 2021. godinu
za oblast Nova književna djela domaćih autora

I - SVRHA KONKURSA/NATJEČAJA

Svrha Konkursa/Natječaja je stimuliranje i pravednije nagrađivanje kvalitetnog stvaralaštva domaćih autora sljedećih književnih rodova: poezija, proza i drama.

II – USLOVI KONKURSA/NATJEČAJA

Uslovi koje projekti moraju zadovoljiti kako bi sudjelovali na Konkursu / Natječaju za izbor korisnika sredstava Fondacije za izdavaštvo za 2021. godinu za oblast Nova književna djela domaćih autora su Opći uslovi i Posebni uslovi. Za uredno ispunjene uslove projektu se ne dodjeljuju bodovi.

Opći uslovi:

- a) Blagovremenost prijave (dokazuje se poštanskim žigom);
- b) Potpuna dokumentacija i
- c) Uredan datum izdavanja/ovjere dokumenata.

Posebni uslovi:

- a) Autor prijavljuje jedan potpuno završen rukopis;
- b) Autor se na Konkurs prijavljuje anonimno (u tekstu rukopisa i na kovertama se ne navodi ime i prezime autora već isključivo šifra, dok se rješenje šifre dostavlja u posebnoj zatvorenoj koverti);
- c) Rukopis nije ranije objavljen;
- d) Rukopis je iz jednog od književnih rodova: poezija, proza ili drama;
- e) Rukopis je pisan na bosanskom, hrvatskom ili srpskom jeziku; latiničnim ili ćirilničnim pismom;
- f) Autori, bez dodatnog honorara od strane izdavača, ustupaju pravo prvog objavljivanja nagrađenih rukopisa izdavaču kojeg će, po objavljivanju rezultata Konkursa/Natječaja, Fondacija odabrati na posebnom tenderu za izdavače i

III - NAČIN ODABIRA KORISNIKA SREDSTAVA

Fondacija će, prema odluci posebnog Žirija, nagraditi najbolje rukopise sa iznosom od po 2.500,00 ili po 3.000,00 KM. Stručni žiri će ocjenu i rangiranje anonimnih rukopisa vršiti na osnovu Posebnih kriterija od kojih svaki nosi od 0 do 10 bodova:

- a) Struktuiranje teksta;
- b) Svrishodnost motiva;
- c) Jezik književnog djela;
- d) Stilska osobitost;
- e) Estetska vrijednost.

IV – PRAVO SUDJELOVANJA

Pravo podnošenja prijava na Konkurs/Natječaj za oblast Nova književna djela domaćih autora imaju fizičke osobe sa stalnim mjestom boravka u Federaciji Bosne i Hercegovine pod uvjetima i na način utvrđen ovim Konkursom / Natječajem.

V - SADRŽAJ I NAČIN DOSTAVLJANJA PRIJAVE ZA UČEŠĆE

Obavezna dokumentacija se dostavlja na sljedeći način:

- a) Tri štampana primjerka rukopisa i jedan snimljen na CD bez upisivanja imena i prezimena Autora i sa naznačenom Šifrom koju rukopisu dodjeljuje sam Autor – prilikom slanja staviti u kovertu broj 1;
- b) Podatke:
 - ime i prezime Autora uz šifru i naziv djela,
 - kontakt telefon i e-mail adresu Autora i
 - kratku biobibliografsku bilješku na maksimalno dvije stranice, sa potpisom Autora i
- c) Dokumente za Autora:
 - kopiju lične karte sa ovjerom kod nadležnog organa koja nije starija od šest mjeseci od dana objave Konkursa,
 - original prijavu iz CIPS-a, ne stariju od šest mjeseci od dana objave Konkursa i
 - original potvrdu od banke o posjedovanju računa ne stariju od šest mjeseci od dana objave Konkursa.

Podatke i dokumente iz tačaka b) i c) prilikom slanja staviti u kovertu broj 2. bez naznačenog imena i prezimena Autora sa obavezno ispisanom Šifrom. Kovertu 1. i 2. staviti u jednu zajedničku kovertu također SA obavezno ispisanom Šifrom i BEZ naznačenog imena i prezimena Autora i sa obaveznom naznakom: Konkurs/Natječaj za Nova književna djela domaćih autora, poslati isključivo poštom, na adresu:

Fondacija za izdavaštvo

Obala Maka Dizdara 2

71000 Sarajevo

Dokumentacija i rukopisi koji budu dostavljeni na Konkurs / Natječaj ne vraćaju se autorima.

VI – ROKOVI I REZULTATI

- Konkurs/Natječaj ostaje otvoren od 30. 4. do 30. 5. 2021. godine.
- Rezultati će biti objavljeni na internet stranici www.fondacijaizdavastvo.ba u roku do 90 dana od zatvaranja Konkursa/Natječaja.

**PREDSJEDNIK
UPRAVNOG ODBORA
Ivan Sivrić, s.r.**